

**- UPRAVNI ODBOR -**

Broj: 02-44-1/20

Sarajevo, 24. 09. 2020. godine

Z A P I S N I K**SA 28. ELEKTRONSKE SJEDNICE UPRAVNOG ODBORA
INTEGRIRANOG UNIVERZITETA U SARAJEVU ODRŽANE 24. 09. 2020. GODINE
SA POČETKOM U 12:00 SATI**

Prisutni članovi Upravnog odbora (pozvani putem e-maila): predsjednik dr. sc. Murat Ramadanović, dr. sc. Mersiha Slipičević, gospodin Sifet Kukuruz, gospođa Sandra Začinović, prof. ddr. Lidija Zvačko, prof. dr. Jasminka Gradašćević-Sijerčić, prof. dr. Dijana Avdić, akad. prof. dr. Dejan Milošević, prof. dr. Kasim Bajrović i prof. dr. Abidin Deljanin.

Ostali prisutni (obaviješteni putem e-maila): prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Aida Hodžić, prorektorica za nastavu i studentska pitanja, prof. dr. Dženana Husremović, prorektorica za naučnoistraživački/umjetničkoistraživački rad, prof. dr. Maida Čohodar-Husić, prorektorica za kvalitet, prof. Sanja Burić, prorektorica za umjetnost, kulturu i sport, Kenan Filipović, generalni sekretar, gospodin Ekrem Čagalj, interni revizor, prof. dr. Sahrudin Sarajčić, izvršni direktor, i Berina Smajlović, rukovoditeljica Službe za pravne poslove.

Elektronska sjednica je započela u 12:00 sati.

Sjednicom je predsjedavao dr. sc. Murat Ramadanović, predsjednik Upravnog odbora, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Upravnog odbora, putem e-maila, dostavljen poziv za održavanje 28. elektronske sjednice zakazane za četvrtak 24. septembra 2020. godine, sa naznakom termina izjašnjavanja od 12:00 do 16:00 sati.

Na osnovu izjašnjenja predsjednika i članova Upravnog odbora, uz deset (10) glasova „za“ Upravni odbor je jednoglasno usvojio dnevni red, kako *s l i j e d i*:

D N E V N I R E D

1. Usvajanje zapisnika sa održanih elektronskih sjednica Upravnog odbora Univerziteta u Sarajevu u periodu od jula do augusta 2020. godine, kako slijedi:
 - a) Zapisnik sa 24. elektronske sjednice od 16. 07. 2020. godine
 - b) Zapisnik sa 25. elektronske sjednice od 20. 07. 2020. godine
 - c) Zapisnik sa 26. elektronske sjednice od 23. 07. 2020. godine
 - d) Zapisnik sa 27. elektronske sjednice od 31. 08. 2020. godine
2. Davanje saglasnosti rektoru Univerziteta u Sarajevu na potpisivanje ugovora sa EIUC-om iz Venecije (Evropska komisija) za ERMA studij za studijsku 2020/2021. godinu

3. Davanje saglasnosti na Prijedlog Ugovora o uređivanju međusobnih odnosa u djelatnostima visokog obrazovanja, naučnoistraživačkog i izdavačkog rada između Univerziteta u Sarajevu i PZU Specijalna bolnica „Centar za srce – KM“
4. Davanje prethodnog mišljenja na prijedlog Fakulteta zdravstvenih studija Univerziteta u Sarajevu za priznavanje Psihijatrijske ustanove Kantona Sarajevo (Jagomir) kao nastavne baze
5. Donošenje odluke o raspisivanju Javnog oglasa za prikupljanje ponuda za zakup poslovnog prostora na Stomatološkom fakultetu sa klinikama Univerziteta u Sarajevu
6. Javne nabavke na Univerzitetu u Sarajevu i organizacionim jedinicama
 - a) Izmjena i dopuna Plana javnih nabavki Univerziteta u Sarajevu za 2020. godinu u dijelu: Rektorat i centri
 - b) Izmjena i dopuna Plana javnih nabavki Univerziteta u Sarajevu za 2020. godinu u dijelu: Mašinski fakultet
 - c) Dopuna Plana javnih nabavki Univerziteta u Sarajevu za 2020. godinu u dijelu: Stomatološki fakultet sa klinikama
 - d) Povećanje iznosa sredstava za nabavku usluga za potrebe Stomatološkog fakulteta sa klinikama Univerziteta u Sarajevu
 - e) Polugodišnji izvještaj o realizaciji i provedbi javnih nabavki na Univerzitetu u Sarajevu i organizacionim jedinicama za 2020. godinu
7. Prigovori i žalbe zaposlenih na organizacionim jedinicama Univerziteta u Sarajevu na odluke tijela Univerziteta/organizacionih jedinica koja su u prvom stepenu odlučivala o pravima i obavezama iz radnog odnosa:
 - a) prof. dr. Azra Husić Selimović, Medicinski fakultet
 - b) Halil Karup, Mašinski fakultet
 - c) prim. dr. sc. Amela Lačević, Stomatološki fakultet sa klinikama
8. Zahtjev podnosioca prof. dr. Mirze Biščevića za provođenje sudskih odluka na Medicinskom fakultetu Univerziteta u Sarajevu
9. Akti Medicinskog fakulteta Univerziteta u Sarajevu: Plan javnih nabavki za 2020. godinu i Izvještaj o radu sa izvještajem o finansijskom poslovanju za 2019. godinu
10. Inicijativa za rješavanje problema Nacionalne i univerzitetske biblioteke Bosne i Hercegovine
11. Stavljanje van snage Poslovnika o distribuciji indeksa i upisnog materijala na Univerzitetu u Sarajevu broj: 02-34-801/11 od 12. 10. 2011. godine
12. Tekuća pitanja
 - a) Informacija Stomatološkog fakulteta sa klinikama o Zahtjevu Medicinskog fakulteta za isplatu duga
 - b) Ugovori sa rukovodiocima organizacionih jedinica Univerziteta u Sarajevu:
 - Institut za historiju
 - Fakultet za kriminalistiku, kriminologiju i sigurnosne studije
 - Prirodno-matematički fakultet
 - Šumarski fakultet

- c) Molba za davanje saglasnosti za ustupanje prostora na Fakultetu za kriminalistiku, kriminologiju i sigurnosne studije Univerziteta u Sarajevu

TOK SJEDNICE

Ad-1.

Upravnom odboru Univerziteta u Sarajevu su dostavljeni na usvajanje zapisnici, kako slijedi:

- Zapisnik sa 24. elektronske sjednice od 16. 07. 2020. godine
- Zapisnik sa 25. elektronske sjednice od 20. 07. 2020. godine
- Zapisnik sa 26. elektronske sjednice od 23. 07. 2020. godine
- Zapisnik sa 27. elektronske sjednice od 31. 08. 2020. godine.

U odnosu na navedeno, bez prethodnih primjedbi i sugestija *jednoglasno* su usvojeni Zapisnik sa 24. elektronske sjednice od 16. 07. 2020. godine, Zapisnik sa 25. elektronske sjednice od 20. 07. 2020. godine, kao i Zapisnik sa 26. elektronske sjednice od 23. 07. 2020. godine i Zapisnik sa 27. elektronske sjednice od 31. 08. 2020. godine.

Ad-2.

Na osnovu izjašnjenja predsjednika i članova Upravnog odbora u vezi sa Prijedlogom Odluke kojom se daje saglasnost rektoru Univerziteta u Sarajevu prof. dr. Rifatu Škrijelju na zaključenje Bilateralnog sporazuma broj: EIUC/SAR/2019 između Globalnog kampusa ljudskih prava i Univerziteta u Sarajevu, uz deset (10) glasova „za“, Upravni odbor je *jednoglasno donio s l j e d e ć u*

O D L U K U

O DAVANJU SAGLASNOSTI NA ZAKLJUČENJE BILATERALNOG SPORAZUMA IZMEĐU GLOBALNOG KAMPUSA LJUDSKIH PRAVA (GC) I UNIVERZITETA U SARAJEVU

I

(Saglasnost na zaključenje)

Daje se saglasnost rektoru Univerziteta u Sarajevu prof. dr. Rifatu Škrijelju na zaključenje Bilateralnog sporazuma broj: EIUC/SAR/2019 između Globalnog kampusa ljudskih prava, Manastir San Nicolo, Riviera San Nicolo 26, Republika Italija, PDV broj: IT094054110278 (u daljnjem tekstu: GC), koji zastupa Veronica Fabiana Gomez, predsjednica GC-a, i Univerziteta u Sarajevu, Obala Kulina bana 7/II, Sarajevo, Bosna i Hercegovina, PDV broj: 2004945600007 (u daljnjem tekstu: UNSA), koji zastupa prof. dr. Rifat Škrijelj, rektor Univerziteta u Sarajevu, u cilju osiguranja finansijskog doprinosa za realizaciju *Evropskog regionalnog magistarskog programa iz ljudskih prava i demokratije u jugoistočnoj Evropi* (ERMA) za studijsku 2020/2021. godinu.

II

(Ovlaštenje rektoru)

- (1) Ovlašćuje se rektor Univerziteta u Sarajevu za potpisivanje Bilateralnog sporazuma sa priložima za studijsku 2020/2021. godinu u iznosu od 535.999,00 eura, pri čemu će GC

- obezbijediti sredstva u iznosu od 428.799,20 eura, uz obavezu dostave izvještaja o implementaciji Bilateralnog sporazuma Upravnom odboru Univerziteta u Sarajevu.
- (2) Projekat sufinansira Italijanska agencija za razvoj i saradnju (AICS) Vlade Republike Italije u iznosu od 107.199,80 eura.

III

(Obaveza izvještavanja i verifikacije plana trošenja)

- (1) Obavezuje se rektor Univerziteta u Sarajevu da Upravnom odboru Univerziteta u Sarajevu prije plaćanja obaveza od Univerziteta u Sarajevu, u realizaciji Sporazuma iz tačke I ove odluke, dostavlja na verifikaciju i odobrenje plan trošenja sredstava i to sve do konačne realizacije Sporazuma.
- (2) Obavezuje se rektor Univerziteta u Sarajevu da o realizaciji ugovorenih obaveza i utrošku sredstava od Univerziteta u Sarajevu redovno, na mjesečnom nivou, dostavlja pisani izvještaj Upravnom odboru, a koji su obavezni potpisati rektor Univerziteta u Sarajevu, prorektor za finansije, prorektor za međunarodnu saradnju, izvršni direktor i generalni sekretar, sve do realizacije projekta u cijelosti.

IV

(Stupanje na snagu)

Ova odluka stupa na snagu datumom donošenja.

Ad-3.

Na osnovu izjašnjenja predsjednika i članova Upravnog odbora u vezi sa Prijedlogom Zaključka kojim se prihvata tekst Ugovora o uređivanju međusobnih odnosa u djelatnostima visokog obrazovanja, naučnoistraživačkog i izdavačkog rada između Univerziteta u Sarajevu i PZU Specijalna bolnica „Centar za srce – KM“ do okončanja cjelokupne procedure, uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je donio *s l j e d e ć i*

Z A K L J U Č A K

1. Prihvata se tekst Ugovora o uređivanju međusobnih odnosa u djelatnostima visokog obrazovanja, naučnoistraživačkog i izdavačkog rada između Univerziteta u Sarajevu i PZU Specijalna bolnica „Centar za srce – KM“ do okončanja cjelokupne procedure.
2. Upravni odbor Univerziteta u Sarajevu Ugovor iz tačke 1. ovog zaključka upućuje Skupštini Kantona Sarajevo i Vladi Kantona Sarajevo, putem Ministarstva za obrazovanje, nauku i mlade Kantona Sarajevo, na daljnje postupanje.

Ad-4.

Na osnovu izjašnjenja predsjednika i članova Upravnog odbora u vezi sa Prijedlogom Mišljenja kojim se daje pozitivno mišljenje na prijedlog Fakulteta zdravstvenih studija Univerziteta u Sarajevu, kojim se pokreće inicijativa za priznavanje Psihijatrijske bolnice Kantona Sarajevo (Jagomir) kao nastavne baze, na način i pod uvjetima utvrđenim

relevantnim propisima, uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor daje *s l j e d e ć e*

MIŠLJENJE

Daje se pozitivno mišljenje na prijedlog Fakulteta zdravstvenih studija Univerziteta u Sarajevu, kojim se pokreće inicijativa za priznavanje Psihijatrijske bolnice Kantona Sarajevo (Jagomir) kao nastavne baze, na način i pod uvjetima utvrđenim relevantnim propisima.

Ad-5.

Upravnom odboru Univerziteta u Sarajevu je dostavljen Zahtjev Stomatološkog fakulteta sa klinikama Univerziteta u Sarajevu broj: 01-3-74-2/20 od 28. 07. 2020. godine, kojim se predlaže raspisivanje Javnog oglasa za prikupljanje ponuda za zakup poslovnog prostora.

Na osnovu izjašnjenja predsjednika i članova Upravnog odbora, uz deset (10) glasova „za“, Upravni odbor je jednoglasno donio *s l j e d e ć u*

ODLUKU

o raspisivanju Javnog oglasa za prikupljanje ponuda za zakup poslovnog prostora

I

Raspisuje se Javni oglas za prikupljanje ponuda za zakup prostora Stomatološkog fakulteta sa klinikama Univerziteta u Sarajevu radi postavljanja 2 (dva) aparata za kafu u ukupnoj površini od 5 m² koji će se nalaziti u prizemlju i na prvom spratu u objektu Stomatološkog fakulteta sa klinikama Univerziteta u Sarajevu (između odjeljenja za dječiju i preventivu stomatologiju i ortodonciju), sa početnim iznosom od 12,00 KM po m².

II

Za realizaciju ove odluke zadužuje se Komisija za poslovne prostore Stomatološkog fakulteta sa klinikama Univerziteta u Sarajevu.

III

Ova odluka stupa na snagu datumom donošenja.

Ad-6.

Upravnom odboru dostavljeni su zahtjevi za izmjene i dopune planova javnih nabavki u dijelu organizacionih jedinica za sljedeće organizacione jedinice:

- a) Rektorat i centri,
- b) Mašinski fakultet,
- c) Stomatološki fakultet sa klinikama, kao i
- d) Zahtjev za povećanje iznosa sredstava za nabavku usluga za potrebe Stomatološkog fakulteta sa klinikama Univerziteta u Sarajevu, te
- e) Polugodišnji izvještaj o realizaciji i provedbi javnih nabavki na Univerzitetu u Sarajevu i organizacionim jedinicama za 2020. godinu.

- a) Uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je većinom glasova donio *s l j e d e ć u*

O D L U K U

o izmjeni i dopuni Plana javnih nabavki integriranog Univerziteta u Sarajevu za 2020. godinu u dijelu: Rektorat Univerziteta u Sarajevu

I

Utvrđuje se izmjena i dopuna Plana javnih nabavki integriranog Univerziteta u Sarajevu za 2020. godinu u dijelu organizacione jedinice Rektorata (Rektorat i centri) Univerziteta u Sarajevu, usvojenog Odlukom Upravnog odbora Univerziteta u Sarajevu broj: 02-19-3/20 od 14. 04. 2020. godine, kao u tabeli koja se nalazi u prilogu i čini sastavni dio ove odluke.

II

Ova odluka stupa na snagu datumom donošenja, a bit će objavljena na internetskoj stranici Rektorata Univerziteta u Sarajevu.

- b) Uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je većinom glasova donio *s l j e d e ć u*

O D L U K U

o dopuni Plana javnih nabavki integriranog Univerziteta u Sarajevu za 2020. godinu u dijelu: Stomatološki fakultet sa klinikama u Sarajevu

I

Utvrđuje se dopuna Plana javnih nabavki integriranog Univerziteta u Sarajevu za 2020. godinu u dijelu organizacione jedinice Stomatološkog fakulteta sa klinikama u Sarajevu, usvojenog Odlukom Upravnog odbora Univerziteta u Sarajevu broj: 02-19-3/20 od 14. 04. 2020. godine, kao u tabeli koja se nalazi u prilogu i čini sastavni dio ove odluke.

II

Ova odluka stupa na snagu datumom donošenja, a bit će objavljena na internetskoj stranici Stomatološkog fakulteta sa klinikama Univerziteta u Sarajevu.

- c) Uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je većinom glasova donio *s l j e d e ć u*

O D L U K U

o izmjeni i dopuni Plana javnih nabavki integriranog Univerziteta u Sarajevu za 2020. godinu u dijelu: Mašinski fakultet Univerziteta u Sarajevu

I

Utvrđuje se izmjena i dopuna Plana javnih nabavki integriranog Univerziteta u Sarajevu za 2020. godinu u dijelu organizacione jedinice Mašinskog fakulteta Univerziteta u Sarajevu, usvojenog Odlukom Upravnog odbora Univerziteta u Sarajevu broj: 02-19-3/20 od 14. 04. 2020. godine, kao u tabeli koja se nalazi u prilogu i čini sastavni dio ove odluke.

II

Ova odluka stupa na snagu datumom donošenja, a bit će objavljena na internetskoj stranici Mašinskog fakulteta Univerziteta u Sarajevu.

- d) Uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je većinom glasova donio *s l j e d e ć u*

ODLUKU

I

Odobrava se povećanje iznosa sredstava za nabavku usluga redovnog godišnjeg servisa CAD/CAM opreme za potrebe Stomatološkog fakulteta sa klinikama Univerziteta u Sarajevu na 3.335,00 KM (slovima: trihiljadetrinstotinetridesetpet i 00/100 KM) bez PDV-a.

II

Odobrava se nastavak postupka javne nabavke usluga redovnog godišnjeg servisa CAD/CAM opreme za potrebe Stomatološkog fakulteta sa klinikama Univerziteta u Sarajevu, pokrenute na osnovu Odluke Upravnog odbora Univerziteta u Sarajevu broj: 02-19-3/20 od 14. 04. 2020. godine o usvajanju Plana javnih nabavki integriranog Univerziteta u Sarajevu za 2020. godinu u dijelu: Stomatološki fakultet sa klinikama Univerziteta u Sarajevu i Odluke o pokretanju postupka broj: 02-2-1-48-34-1/20 od 30. 07. 2020. godine.

III

Daje se ovlaštenje dekanu Stomatološkog fakulteta sa klinikama Univerziteta u Sarajevu da po uspješnom okončanju postupka javne nabavke zaključi ugovor o javnoj nabavci predmetnih usluga, te potpisuje finansijsku dokumentaciju u cilju realizacije ugovora i poštivanja ugovorenih obaveza.

IV

Ova odluka stupa na snagu datumom donošenja.

- e) Uz deset (10) glasova „za“, Upravni odbor je jednoglasno donio *s l j e d e ć i*

ZAKLJUČAK

1. Upravni odbor Univerziteta u Sarajevu prihvata Polugodišnji izvještaj o realizaciji i provedbi javnih nabavki na Univerzitetu u Sarajevu i organizacionim jedinicama za period 01. 01. 2020–30. 06. 2020. godine broj: 0105-8712/20 od 14. 09. 2020. godine.
2. Izvještaj iz tačke 1. ovog zaključka čini sastavni dio ovog zaključka.

Ad-7.

- a) Na osnovu izjašnjenja predsjednika i članova Upravnog odbora u vezi sa prigovorom prof. dr. Azre Husić Selimović izjavljenim protiv Rješenja dekana Medicinskog fakulteta Univerziteta u Sarajevu o prestanku Ugovora o radu broj: 01-3-GD-3900/20 od 26. 06. 2020. godine, uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je većinom glasova donio *s l j e d e ć e*

R J E Š E N J E

1. Prigovor prof. dr. Azre Husić Selimović izjavljen protiv Rješenja dekana Medicinskog fakulteta Univerziteta u Sarajevu o prestanku Ugovora o radu broj: 01-3-GD-3900/20 od 26. 06. 2020. godine prihvata se kao osnovan.
 2. Rješenje dekana Medicinskog fakulteta Univerziteta u Sarajevu o prestanku Ugovora o radu broj: 01-3-GD-3900/20 od 26. 06. 2020. godine se poništava.
 3. Medicinski fakultet Univerziteta u Sarajevu je obavezan u skladu sa zakonom uspostaviti radnopravni odnos sa prof. dr. Azrom Husić Selimović.
- b) Na osnovu izjašnjenja predsjednika i članova Upravnog odbora u vezi sa Žalbom podnositelja Halila Karupa broj: 0101-8389/20 od 04. 09. 2020. godine, uz deset (10) glasova „za“, Upravni odbor je jednoglasno donio *s l j e d e ć e*

R J E Š E N J E

Žalba podnositelja Halila Karupa broj: 0101-8389/20 od 04. 09. 2020. godine se odbija kao neosnovana, a potvrđuje se Rješenje dekana Mašinskog fakulteta Univerziteta u Sarajevu broj: 06-VL-2404/20 od 27. 07. 2020. godine.

- c) Na osnovu izjašnjenja predsjednika i članova Upravnog odbora u vezi sa prigovorom odnosno zahtjevom za zaštitu prava iz radnog odnosa podnositeljice prim. dr. sc. Amele Lačević izjavljenim protiv Odluke dekana Stomatološkog fakulteta sa klinikama Univerziteta u Sarajevu broj: 02-1-55-30/20 od 01. 07. 2020. godine, uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je većinom glasova donio *s l j e d e ć u*

O D L U K U

Odbacuje se prigovor odnosno zahtjev za zaštitu prava iz radnog odnosa podnositeljice prim. dr. sc. Amele Lačević izjavljen protiv Odluke dekana Stomatološkog fakulteta sa klinikama Univerziteta u Sarajevu broj: 02-1-55-30/20 od 01. 07. 2020. godine *zbog činjenice da radniku nije povrijeđeno pravo iz radnog odnosa.*

Ad-8.

Na osnovu izjašnjenja predsjednika i članova Upravnog odbora u vezi sa zahtjevom podnositelja prof. dr. Mirze Bišćevića za provođenje sudskih odluka na Medicinskom fakultetu

Univerziteta u Sarajevu, uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je donio *s l j e d e ć i*

Z A K L J U Č A K

1. U odnosu na postavljeni zahtjev podnosioca prof. dr. Mirze Bišćevića za provođenje sudskih odluka na Medicinskom fakultetu Univerziteta u Sarajevu, Upravni odbor Univerziteta u Sarajevu konstatira da je o prigovoru prof. dr. Mirze Bišćevića izjavljenom protiv Rješenja dekana Medicinskog fakulteta Univerziteta u Sarajevu o prestanku Ugovora o radu broj: 01-3-GD-3573/18 od 28. 05. 2018. godine odlučio kao drugostepeni organ.
2. U pogledu provođenja pravomoćnih i izvršnih sudskih odluka i mjera Upravni odbor konstatira da je, saglasno Zakonu o sudovima u Federaciji Bosne i Hercegovine („Službene novine FBiH“, br.: 38/05, 22/06, 63/10, 72/10 - ispr., 7/13 i 52/14), utvrđena obveznost sudskih odluka na način da su odluke svih sudova u Bosni i Hercegovini obvezujuće na teritoriju Federacije, a u pogledu preispitivanja istih utvrđeno je da sudsku odluku može preispitivati samo nadležni sud povodom pravnih lijekova u postupku propisanom Ustavom ili Zakonom.
3. Upravni odbor konstatira da je Zakonom o visokom obrazovanju („Službene novine Kantona Sarajevo“, broj: 33/17) utvrđena obaveza visokoškolske ustanove/organizacije jedinice za preduzimanje svih potrebnih aktivnosti u okviru utvrđenih nadležnosti, s ciljem sprečavanja vršenja diskriminacije članova akademske zajednice, te ravnopravnog sudjelovanja u realizaciji nastavnog, naučno-nastavnog, umjetničkog, umjetničko-nastavnog, naučnoistraživačkog rada i stvaralaštva.

Ad-9.

Upravnom odboru Univerziteta u Sarajevu je dostavljen podnesak Medicinskog fakulteta Univerziteta u Sarajevu u dijelu odluke Vijeća Medicinskog fakulteta Univerziteta u Sarajevu o usvajanju Plana javnih nabavki za 2020. godinu broj: 01-4-TK-4248/20 od 09. 07. 2020. godine.

Na osnovu izjašnjenja predsjednika i članova Upravnog odbora, uz devet (9) glasova „za“ i jedan (1) glas „protiv“ (gospodin Sifet Kukuruz), Upravni odbor je donio *s l j e d e ć e*

Z A K L J U Č K E

1. U pogledu dostavljenog podneska Medicinskog fakulteta Univerziteta u Sarajevu u dijelu odluke Vijeća Medicinskog fakulteta Univerziteta u Sarajevu o usvajanju Plana javnih nabavki za 2020. godinu broj: 01-4-TK-4248/20 od 09. 07. 2020. godine, Upravni odbor konstatira da postupak donošenja predmetnog plana nije proveden u skladu sa zakonskim aktima, te da isti nije dostavljen tijelima Univerziteta u Sarajevu u zakonski utvrđenom roku.
2. Upravni odbor konstatira da je u postupku donošenja Plana javnih nabavki integriranog Univerziteta u Sarajevu za 2020. godinu Senat Univerziteta u Sarajevu na svojoj sjednici 25. 03. 2020. godine, uz prethodno mišljenje Odbora za finansije Univerziteta u Sarajevu, utvrdio prijedlog navedenog plana, nakon čega je Upravni odbor na svojoj sjednici od 14. 04. 2020. godine isti usvojio i to u utvrđenom zakonskom roku od 60 dana od datuma usvajanja Budžeta Kantona Sarajevo. Plan javnih nabavki organizacije jedinice

Medicinskog fakulteta Univerziteta u Sarajevu ne čini sastavni dio Plana javnih nabavki integriranog Univerziteta u Sarajevu za 2020. godinu.

3. Imajući u vidu postupanje Medicinskog fakulteta Univerziteta u Sarajevu u pogledu donošenja Plana iz tačke 1. ovog zaključka, Upravni odbor konstatira da je Plan javnih nabavki organizacione jedinice Medicinskog fakulteta Univerziteta u Sarajevu potrebno uputiti Agenciji za javne nabavke Bosne i Hercegovine kao instituciji nadležnoj za praćenje primjene Zakona o javnim nabavkama Bosne i Hercegovine („Službeni glasnik BiH“, broj: 39/14) i podzakonskih akata i Ministarstvu za obrazovanje, nauku i mlade Kantona Sarajevo.
4. U pogledu dostavljenog podneska Medicinskog fakulteta Univerziteta u Sarajevu u dijelu odluke Vijeća Medicinskog fakulteta Univerziteta u Sarajevu o usvajanju Izvještaja o radu sa izvještajem o finansijskom poslovanju za 2019. godinu broj: 01-4-TK-4283/20 od 09. 07. 2020. godine, Upravni odbor konstatira da je predmetni izvještaj dostavljen prema tijelima Univerziteta u Sarajevu na daljnje postupanje. Izvještaj o radu sa izvještajem o finansijskom poslovanju Univerziteta u Sarajevu za 2019. godinu, u čijem sastavu je i izvještaj organizacione jedinice Medicinskog fakulteta Univerziteta u Sarajevu, dostavljen je Ministarstvu za obrazovanje, nauku i mlade Kantona Sarajevo u zakonskom roku.

Ad-10.

Na osnovu izjašnjenja predsjednika i članova Upravnog odbora, uz deset (10) glasova „za“, Upravni odbor je jednoglasno donio *s l j e d e ć i*

Z A K L J U Č A K

1. Upravni odbor Univerziteta u Sarajevu podržava Inicijativu rektora Univerziteta u Sarajevu za rješavanje problema Nacionalne i univerzitetske biblioteke Bosne i Hercegovine broj: 0101-7732/20 od 23. 07. 2020. godine.
2. U cilju iznalaženja zajedničkog rješenja Inicijativa iz tačke 1. ovog zaključka upućuje se Ministarstvu za obrazovanje, nauku i mlade Kantona Sarajevo.

Ad-11.

Na osnovu izjašnjenja predsjednika i članova Upravnog odbora, uz osam (8) glasova „za“ i dva (2) glasa „protiv“ (gospodin Sifet Kukuruz i gospođa Sandra Začinović), Upravni odbor je donio *s l j e d e ć u*

O D L U K U

I

Stavlja se van snage Poslovnik o distribuciji indeksa i upisnog materijala na Univerzitetu u Sarajevu broj: 02-34-801/11 od 12. 10. 2011. godine.

II

Zadužuje se Univerzitet u Sarajevu za izradu novog općeg akta kojim će urediti predmetnu oblast, u roku od 30 dana od datuma donošenja ove odluke.

III

Obavezuju se fakulteti i akademije Univerziteta u Sarajevu na primjenu Odluke rektora Univerziteta u Sarajevu o evidenciji i razduživanju upisnog materijala broj: 0101-8803/20 od 15. 09. 2020. godine i Odluke rektora Univerziteta u Sarajevu o prodaji i distribuciji upisnog materijala broj: 0101-8804/20 od 15. 09. 2020. godine, kojima je u uvjetima prevencije i zaštite od širenja virusa COVID-19 uređeno pitanje prodaje, distribucije i evidencije upisnog materijala.

IV

Ova odluka stupa na snagu datumom donošenja.

Ad-12.

U okviru tačke „Tekuća pitanja“ dostavljeni su sljedeći akti:

- a) Informacija Stomatološkog fakulteta sa klinikama o Zahtjevu Medicinskog fakulteta za isplatu duga
 - b) ugovori sa rukovodiocima organizacionih jedinica Univerziteta u Sarajevu:
 - Institut za historiju
 - Fakultet za kriminalistiku, kriminologiju i sigurnosne studije
 - Prirodno-matematički fakultet
 - Šumarski fakultet
 - c) Zahtjev za davanje saglasnosti za ustupanje prostora na Fakultetu za kriminalistiku, kriminologiju i sigurnosne studije Univerziteta u Sarajevu
-
- a) Na osnovu izjašnjenja predsjednika i članova Upravnog odbora, uz deset (10) glasova „za“, Upravni odbor je jednoglasno donio *s l j e d e ć i*

ZAKLJUČAK

Prima se k znanju Informacija Stomatološkog fakulteta sa klinikama Univerziteta u Sarajevu broj: 01-3-15-354-1/20 od 29. 07. 2020. godine (zavedena pod brojem: 0101-8058/20 od 30. 07. 2020. godine) u vezi sa Zahtjevom za isplatu duga prema Medicinskom fakultetu Univerziteta u Sarajevu broj: 01-3-BS-4409/20 od 14. 07. 2020. godine (zavedenim pod brojem: 01-3-15-354/20 od 15. 07. 2020. godine).

- b) Na osnovu izjašnjenja predsjednika i članova Upravnog odbora, uz deset (10) glasova „za“, Upravni odbor je jednoglasno podržao potpisivanje ugovore sa rukovodiocima organizacionih jedinica Univerziteta u Sarajevu.
- c) Na osnovu izjašnjenja predsjednika i članova Upravnog odbora, uz deset (10) glasova „za“, Upravni odbor je jednoglasno donio *s l j e d e ć i*

ZAKLJUČAK

Upravni odbor Univerziteta u Sarajevu podržava Zahtjev Fakulteta za kriminalistiku, kriminologiju i sigurnosne studije Univerziteta u Sarajevu broj: 01-01-3614/20 od 01. 09. 2020. godine, kojim se traži saglasnost za ustupanje prostora (kancelarije) Alumni udruženja Fakulteta na korištenje i Udruženju menadžera korporativne sigurnosti Zapadnog Balkana svršenih studenata drugog ciklusa studija Fakulteta za kriminalistiku, kriminologiju i sigurnosne studije Univerziteta u Sarajevu, smjer: Korporativna sigurnost i zaštita.

Sjednica je završena u 16:00 sati.

**PREDSJEDNIK
UPRAVNOG ODBORA**

Dr. sc. Murat Ramadanović

Zapisničar:

Belma Hajradinović, MA prava




